



▯ *abbatussaudā*’ sebagai Remedi Semulajadi Pencegahan Wabak COVID-19: Satu Penelitian Awal

NUR ADILAH AMIRUDDIN¹ dan MOHD DASUQKHI MOHD SIRAJUDDIN²

¹ *Akademi Pengajian Islam Kontemporari, Universiti Teknologi MARA Cawangan Sarawak, MALAYSIA.*

² *Akademi Pengajian Islam Kontemporari, Universiti Teknologi MARA, Selangor, MALAYSIA.*

Email: adilah@uitm.edu.my | Tel: +6082678357/ +60139401797

Received: July 31, 2021

Accepted: September 25, 2021

Online Published: October 20, 2021

Abstrak

Sejak akhir tahun 2019 dunia telah digemparkan dengan sejenis virus yang dikenali sebagai Coronavirus 2019 atau nama singkatannya ialah COVID-19. Sehingga hari ini virus ini telah meragut lebih 4,000,000 nyawa di seluruh dunia. Dalam masa yang sama, sebuah hadis sahih daripada Nabi SAW pernah menyebutkan ▯ *abbatussaudā*’ sebagai penawar kepada segala penyakit kecuali mati. Oleh itu, artikel ini bertujuan meneliti maksud sebenar hadis tersebut menurut pandangan para ulama’ samada ▯ *abbatussaudā*’ sesuai untuk dijadikan penawar atau pencegah kepada virus COVID-19 ataupun sebaliknya. Kajian ini merupakan kajian Kualitatif yang mana proses pengumpulan data dilakukan dengan kaedah analisis kandungan dan proses menganalisis data dilakukan melalui pendekatan deskriptif. Hasil kajian mendapati belum ada kajian saintifik yang mengesahkan khasiat ▯ *abbatussaudā*’ mampu menangani virus COVID-19 di samping itu metode memahami teks hadis berkenaan secara literal adalah kurang tepat.

Kata kunci: *Habbatussauda’, Vaksin, Covid-19, Sunnah*

1.0 Pendahuluan

Islam adalah sebuah agama yang jelas prinsipnya, Agama Islam terbina atas hujah dan dalil yang jelas daripada. Dua sumber utama dalam Islam adalah Al-Quran dan sunnah baginda SAW. Hal ini telah difirmankan oleh Allah SWT di dalam al-Quran:

يَا أَيُّهَا الَّذِينَ آمَنُوا أَطِيعُوا اللَّهَ وَأَطِيعُوا الرَّسُولَ وَأُولَى الْأَمْرِ مِنْكُمْ فَإِنْ تَنَازَعْتُمْ فِي شَيْءٍ فَرُدُّوهُ إِلَى اللَّهِ وَالرَّسُولِ إِنْ كُنْتُمْ تُؤْمِنُونَ بِاللَّهِ وَالْيَوْمِ الْآخِرِ ذَلِكَ خَيْرٌ وَأَحْسَنُ تَأْوِيلًا
[Al-Quran, al-Nisā’ 4: 59]

Maksudnya: Wahai orang-orang yang beriman! Taatlah kepada Allah dan taatlah kepada Rasul, serta ulil amri diantara kalian. Jika kalian berselisih dalam suatu hal, maka kembalilah kepada Allah dan Rasul jika kalian benar-benar beriman kepada Allah dan hari akhirat, yang demikian itu lebih utama (bagimu) dan lebih baik akibatnya.

Menurut Mujāhid dan para *Salafusṣālih*, ayat tersebut merupakan perintah Allah SWT kepada orang beriman agar sentiasa kembali kepada Allah dan RasulNya dalam setiap hal baik dalam isu usul mahupun isu furu’ dalam agama (Ibn Kathīr 1999, 2: 519). Secara literal juga, melalui dua ungkapan terakhir ayat di atas dapat difahami bahawa Allah SWT memerintahkan agar manusia kembali kepada Al-Quran dan Al-Sunnah ketika berselisih kerana petunjuk wahyu adalah sebaik-baik jalan penyelesaian. Dalam masa yang sama, Nabi SAW telah menunjukkan sebaik-baik teladan buat seluruh umat Islam dan baginda juga berpesan agar umat Islam tetap berpegang teguh kepada Al-Quran dan Sunnah baginda SAW. Sabda baginda:

تَرَكْتُ فِيكُمْ أَمْرَيْنِ لَنْ تَضِلُّوا مَا تَمَسَّكْتُمْ بِهِمَا كِتَابَ اللَّهِ وَسُنَّةَ نَبِيِّهِ.

Maksudnya: Aku telah tinggalkan kepada kamu semua dua perkara. Kamu tidak akan sesat selama berpegang kepada keduanya, (iaitu) Kitab Allah (Al-Quran) dan Sunnah RasulNya.

(Malik, 1985: No. Hadis 1395)

Ketika mensyarahkan hadis ini, al-Kandahlawi menyatakan bahawa hadis ini merupakan wasiat baginda SAW kepada umat Islam agar berpegang teguh terhadap dua perkara agung iaitulah al-Quran dan al-Sunnah supaya manusia tidak



akan sesat selama-lamanya (Al-Kandahlawi: 2003). Kedua-dua dalil tersebut sudah memadai untuk menjelaskan tentang kepentingan umat Islam berpegang kepada Al-Quran dan Sunnah dalam sebarang situasi khususnya pada masa kini.

2.0 Metodologi Kajian

Kajian ini adalah sebuah kajian kualitatif mengenai keberkesanan *Habbatussaudā'* dalam mencegah atau merawat virus COVID-19. Pengumpulan data dilakukan melalui kaedah analisis kandungan di mana penulis merujuk dan mengkaji pendapat para ulama' mengenai sebuah hadis baginda SAW yang menyebutkan *Habbatussaudā'* mampu merawat segala jenis penyakit kecuali mati. Seterusnya, proses analisis data bagi kajian ini pula dilakukan melalui kaedah deskriptif iaitu menjelaskan maksud yang tersurat dan tersirat yang dikemukakan oleh para ulama' mengenai hadis tersebut.

3.0 Dapatan Kajian

Sebuah hadis sahih yang diriwayatkan oleh al-Bukhārī menyatakan *Habbatussaudā'* adalah penawar bagi segala penyakit kecuali mati. Oleh yang demikian, sebahagian daripada umat Islam hari ini mempercayai bahawa *Habbatussaudā'* juga mampu mencegah dan merawat virus COVID-19 tanpa melihat kepada penjelasan yang lebih detail terhadap hadis tersebut. (<https://www.sinarharian.com.my/article/125421/BERITA/Nasional/Jual-nama-Menteri-Hal-Ehwal-Agama-amal-habbatus-sauda>, 2021) Jadi, kajian ini dijalankan bagi menjawab persoalan mengenai keberkesanan *Habbatussaudā'* dalam mencegah dan merawat virus COVID-19. Penulis telah membawakan penjelasan-penjelasan para ulama' mengenai hadis tersebut.

Tidak menjadi kesalahan bagi umat Islam untuk berikhtiar dalam hal kesihatan melalui makanan-makanan yang disyorkan dalam al-Quran dan hadis seperti madu, *Habbatussaudā'*, buah zaitun dan seumpamanya. Namun begitu, apa yang lebih penting adalah umat Islam juga perlu mendapatkan kefahaman mengenai dalil-dalil tersebut dalam konteks yang betul iaitu dengan merujuk kepada penjelasan para ulama' mengenainya. Bahkan, jika dilihat kepada tauladan yang ditunjukkan oleh baginda SAW sendiri pun ada masanya Nabi SAW menyerahkan sesuatu masalah kepada pakarnya untuk diselesaikan. Seperti yang pernah berlaku pada zaman baginda mengenai inovasi dalam hal pertanian, baginda SAW menyebutkan:

أَنْتُمْ أَعْلَمُ بِأَمْرِ دُنْيَاكُمْ

Maksud: Kamu lebih mengetahui urusan duniamu.
(Muslim 2006: No Hadis 2363)

Oleh yang demikian, harus juga bagi umat Islam hari ini untuk merujuk dan menerima nasihat daripada pakar-pakar dalam bidang perubatan terutamanya dalam hal mencegah dan merawat virus COVID-19 ini. Antaranya termasuklah penerimaan vaksin, penjaagaan Standard Operating Procedure (SOP) dan sebagainya.

4.0 Corona Virus 2019 (Covid-19)

Coronavirus adalah sejenis virus yang boleh menyebabkan jangkitan pada saluran pernafasan. Terdapat beberapa jenis coronavirus yang pernah wujud dalam sejarah dunia, antaranya ialah Severe Acute Respiratory Syndrome Coronavirus (SARS), Middle East Respiratory syndrome-related Coronavirus (MER-CoV) dan yang terbaru adalah Coronavirus yang ditemui di China pada tahun 2019 sekaligus dinamakan sebagai Coronavirus 2019 atau lebih dikenali sebagai COVID-19 (myhealth.gov.my). Menurut Kementerian Kesihatan Malaysia, Coronavirus 2019 ini adalah sebuah virus yang merbahaya kerana ia mampu mengakibatkan kematian (myhealth.gov.my). Bukan sahaja di Malaysia bahkan statistik di negara-negara yang dijangkiti Coronavirus 2019 di seluruh dunia telah menunjukkan angka jangkitan dan kematian yang meningkat dari semasa ke semasa iaitu sehingga 29 Julai 2021 sebanyak lebih kurang 195,000,000 angka jangkitan dan 4,180,000 angka kematian yang dilaporkan diseluruh dunia (covid19.who.int).

Antara punca angka jangkitan virus ini meningkat dengan begitu cepat adalah kerana virus ini amat mudah dijangkiti. Salah satu cara jangkitan virus ini yang telah dikenalpasti oleh Kementerian Kesihatan Malaysia adalah jangkitan daripada manusia kepada manusia yang lain (myhealth.gov.my). Oleh itu, pelbagai langkah berhati-hati telah diambil oleh kerajaan bagi memastikan risiko jangkitan virus ini berkurangan dalam kalangan rakyat Malaysia. Antara langkah yang telah diambil adalah menjalankan beberapa jenis Perintah Kawalan Pergerakan kepada rakyat Malaysia dan mewajibkan pematuhan Standard Operating Procedure (SOP).



Namun, akhir-akhir ini kebimbangan terhadap penularan Coronavirus 2019 ini semakin berkurangan dengan kehadiran vaksin yang dihasilkan oleh kerjasama daripada The Vaccine Alliance (GAVI) dan World Health organization (WHO) serta digunapakai di kebanyakan negara besar yang dijangkiti virus ini (<http://covid-19.moh.gov.my/vaksin-covid-19,2021>). Vaksin dihasilkan dengan cara melemahkan sebahagian virus atau bakteria bagi tujuan membantu sistem imunisasi di dalam tubuh badan manusia. Sistem imun dalam tubuh individu yang telah mengambil vaksin akan mengenalpasti dan cukup bersedia untuk diserang kuman sebenar (<http://covid-19.moh.gov.my/vaksin-covid-19,2021>).

5.0 Perubatan dalam Islam

Islam adalah sebuah agama yang syumul iaitu agama yang sempurna dari setiap aspek. Islam tidak pernah melarang umatnya untuk mencari sebarang kaedah perubatan yang tidak melanggar syariat. Apa sahaja kaedah perubatan yang memberi kebaikan kepada manusia, maka ia dibenarkan oleh syarak. Hal ini termasuklah antaranya kaedah perubatan yang diajarkan oleh Nabi SAW atau kaedah-kaedah perubatan yang lain seperti perubatan moden, kaedah perubatan cina, tradisional melayu dan lain-lain selagi mana ia tidak melibatkan perkara syirik, khurafat dan yang seumpamanya

Terdapat begitu banyak hadis Nabi SAW yang menyarankan manusia untuk mencari ubat atau penawar apabila ditimpa sebarang penyakit. Antara sabda baginda mengenai mencari perubatan yang sesuai ialah:

عِبَادَ اللَّهِ تَدَاوُوا، فَإِنَّ اللَّهَ لَمْ يَضَعْ دَاءً إِلَّا وَضَعَ لَهُ دَوَاءً إِلَّا دَاءً وَاحِدًا هَرَمُ

Maksudnya: Wahai hamba-hamba Allah, berubatlah! Sesungguhnya Allah tidak meletakkan sesuatu penyakit, melainkan (Allah) meletakkan untuknya ubat, kecuali satu penyakit (yang tiada ubat), iaitulah penyakit tua. (Al-Tirmizi, 1996: No Hadis 2038).

Selain itu, dalam sebuah hadis yang lain Nabi SAW juga pernah bersabda:

لِكُلِّ دَاءٍ دَوَاءٌ فَإِذَا أُصِيبَ دَوَاءُ الدَّاءِ بَرَأَ بِإِذْنِ اللَّهِ عَزَّ وَجَلَّ

Maksudnya: Bagi setiap penyakit ada ubatnya. Apabila betul ubatnya, maka sembuhlah dengan izin Allah. (Muslim, 2006: No Hadis 2204)

Ketika mensyarahkan hadis ini, Al-Nawawi menyatakan bahawa hadis riwayat Muslim ini adalah isyarat akan sunatnya untuk mencari penawar bagi penyakit. Kata Al-Qāṣi 'Iyā dalam hadis ini terkandungnya beberapa ilmu agama dan dunia antaranya bernarnya ilmu perubatan, dibenarkan berubat secara keseluruhan (Al-Nawawi, 2009). Maka, berdasarkan kedua-dua dalil yang penulis kemukakan sebelum ini jelas menunjukkan bahawa Islam mengharuskan untuk mencari penawar bagi apa jua jenis penyakit kecuali tua dan mati. Bahkan, terdapat beberapa lagi hadis yang menggalakkan supaya manusia mencari penawar bagi penyakit yang menimpa. Penawar yang dimaksudkan tidak terhad kepada apa yang dinyatakan oleh baginda SAW sahaja, bahkan tidak salah juga bagi umat Islam untuk mencari penawar selain daripadanya selagi betul kaedahnya dan tidak melanggar syariat seperti melakukan kesyirikan, membunuh dan seumpamanya.

Dalam masa yang sama, hadis-hadis Nabi SAW mengenai kaedah perubatan tertentu seperti berbekam, susu unta, habbatussauda', air kencing unta dan seumpamanya perlu dilihat semula maksud tersurat dan tersirat disebalik hadis tersebut. Untuk memahami dan mendapatkan penjelasan yang lebih terperinci mengenai hadis-hadis Nabi SAW, umat Islam perlu merujuk kepada syarah hadis yang telah dilakukan oleh para ulama'. Hal ini adalah kerana, ada masanya hadis yang dilafazkan oleh baginda SAW adalah dalam dipengaruhi oleh situasi yang tertentu atau hadis tersebut dikhususkan bagi sesuatu masalah yang tertentu.

6.0 *abbatussauda'* sebagai Elemen Remedi Semulajadi Penularan Wabak Covid-19

Nabi SAW pernah menyatakan tentang kelebihan *abbatussauda'* sebagai penyembuh kepada segala penyakit kecuali mati:

لَا يَمُوتُ شَيْءٌ إِلَّا وَابَّاتُ السَّوْدَاءِ عَلَيْهِ

Maksudnya: Pada *abbatussauda'* itu terdapat penawar/ubat bagi segala penyakit kecuali mati.

(Al-Bukhari, 2002: No Hadis 5687)

Jika hadis ini difahami secara literal, maka akan disimpulkan bahawa *abbatussauda'* mampu mengubati segala jenis penyakit, mungkin juga termasuk virus COVID-19 yang sedang menular akhir-akhir ini. Namun, sebagai umat Islam



antara perkara penting yang perlu diketahui ketika berinteraksi dengan hadis-hadis Nabi SAW adalah tidak semua hadis boleh difahami secara literal sahaja. Bahkan, Ibn Hajar Al-‘Asqalani menyatakan beberapa kaedah perubatan yang boleh dilakukan dengan menggunakan ‘*abbatussaudā*’ untuk mengubati beberapa penyakit seperti selesema, demam dan batuk namun ia adalah khusus bagi penyakit yang timbul akibat cuaca sejuk seperti yang dinyatakan oleh Al-Khaṭībī (Ibn Hajar Al-‘Asqalani, 2001).

Ibn Hajar Al-‘Asqalani di dalam *Fathul Bari* ketika mensyarahkan hadis ini, beliau telah menukikan pandangan Al-Khaṭībī mengenai hadis tersebut yang menyatakan maksud lafaz penawar kepada segala penyakit itu adalah di bawah konsep العام يراد به الخاص iaitu bermaksud ia bersifat umum tetapi maksudnya adalah khusus kepada perkara yang tertentu. Hal ini adalah kerana menurut Al-Khaṭībī, secara semulajadinya tiada satu tumbuhan pun yang diciptakan oleh Allah SWT yang terkumpul padanya perkara yang sesuai mengubati segala penyakit. Maksud yang terperinci bagi lafaz tersebut adalah ‘*abbatussaudā*’ merupakan penyembuh bagi segala penyakit yang timbul akibat cuaca yang sejuk (Ibn Hajar Al-‘Asqalani, 2001).

Kenyataan Al-Khaṭībī tersebut menjadi lebih kuat apabila terdapatnya hadis-hadis lain yang menyebutkan tentang penawar atau kaedah perubatan selain daripada ‘*abbatussaudā*’. Antaranya baginda SAW pernah menyebutkan perubatan dengan cara berbekam melalui sabdanya:

إِنَّ أَفْضَلَ مَا تَدَاوَيْتُمْ بِهِ الْحَجَامَةُ أَوْ إِنَّ مِنْ أَمْثَلِ دَوَائِكُمُ الْحَجَامَةَ

Maksud: Sesungguhnya sebaik-baik perubatan yang kalian gunakan adalah berbekam atau sebaik-baik ubat untuk kalian adalah berbekam.
(Al-Tirmizi, 1996: No Hadis 1199)

Selain itu, Nabi SAW juga pernah menyebutkan kaedah perubatan dengan cara besi yang dipanaskan dengan api dan Nabi SAW juga pernah mengajarkan cara untuk menyelesaikan masalah bagi air minuman yang dimasuki lalat.

إِذَا وَقَعَ الذَّبَابُ فِي شَرَابٍ أَحَدِكُمْ فَلْيَغْمِسْهُ ثُمَّ لِيَنْزِعْهُ، فَإِنَّ فِي إِحْدَى جَنَاحَيْهِ دَاءٌ وَالْأُخْرَى شِفَاءٌ

Maksud: Apabila lalat termasuk ke dalam minuman salah seorang daripada kamu, maka rendamkanlah ia (lalat) kemudian buanglah. Ini kerana, salah satu daripada sayapnya adalah penyakit dan sebelah lagi adalah penawar.
(Al-Bukhari, 2002: No Hadis 3320)

Berdasarkan keterangan para ulama’ dan ditambah pula dengan kewujudan hadis-hadis yang mengajarkan kaedah perubatan lain, maka jelas bahawa ‘*abbatussaudā*’ bukanlahlah sesuai untuk digunakan bagi mengubati segala jenis penyakit. Bahkan, tidak menjadi suatu kesalahan untuk menggunakan kaedah lain dalam perubatan selagi ia tidak melanggar syarak. Tambahan pula, menurut sebahagian ulama’ tidak semua lafaz ‘*abbatussaudā*’ menunjukkan kepada makna setiap, semua atau segala. (<https://muftiwp.gov.my/artikel/irsyad-al-hadith/4702-irsyad-al-hadith-siri-ke-517-pemahaman-terhadap-lafaz-hadith-habbatussauda-sebagai-penawar-segala-penyakit>, 2021). Contohnya:

أَمَّا السَّفِينَةُ فَكَانَتْ لِمَسَاكِينَ يَعْمَلُونَ فِي الْبَحْرِ فَأَرَدْتُ أَنْ أَعِيبَهَا وَكَانَ وَرَاءَهُمْ مَلِكٌ يَأْخُذُ كُلَّ سَفِينَةٍ غَصْبًا

Maksud: Adapun perahu itu adalah ia dipunyai oleh orang-orang miskin yang bekerja di laut; oleh itu, aku bocorkan dengan tujuan hendak mencacatkannya, kerana di belakang mereka nanti ada seorang raja yang merampas tiap-tiap sebuah perahu yang tidak cacat.
(Surah Al-Kahfi 18:79)

Al-Wāḥidī ketika mentafsirkan ayat tersebut di dalam tafsirnya *Tafsīr Al-Basīṭ* menyatakan bahawa ‘merampas tiap-tiap perahu’ di dalam ayat di atas merujuk kepada perahu yang elok sahaja (Alī bin Aḥmad al-Wāḥidī, 1430M). Maka, dapat difahami walaupun di dalam ayat tersebut Allah SWT menggunakan perkataan ‘*abbatussaudā*’, namun ia tidak memberi maksud setiap atau semua perahu akan dirampas. Bahkan ia hanya merujuk kepada perahu yang elok sahaja kerana itulah Nabi Khidhir AS membocorkan perahu tersebut supaya ia tidak dirampas. Oleh itu, masyarakat Islam tidak boleh memahami hadis ini sekadar literalnya sahaja kemudian terus menyimpulkan bahawa ‘*abbatussaudā*’ adalah ubat atau penawar bagi segala jenis penyakit di dunia ini termasuklah boleh mengubati atau menjadi elemen remedi semulajadi bagi penularan wabak COVID-19 ini. Seharusnya masyarakat Islam menyerahkan masalah dalam hal perubatan ini kepada pakar bidangnya untuk mencari penyelesaian. Terdapat pelbagai kaedah lain yang boleh digunapakai bagi merawat penyakit-penyakit yang ada tanpa menafikan kebaikan yang ada pada ‘*abbatussaudā*’.



7.0 Vaksin sebagai satu Kaedah Perubatan Islam

Pada tanggal 24 Februari 2021, Perdana Menteri Malaysia iaitu YAB Tan Sri Muhyiddin bin Mohd Yassin telah melancarkan fasa pertama Program Imunisasi COVID-19 Kebangsaan dan disiarkan secara langsung di seluruh Malaysia. Fasa pertama pemberian vaksin di Malaysia di khususkan kepada golongan Barisan Hadapan terlebih dahulu antaranya termasuklah para pegawai perubatan, pembantu pegawai perubatan, polis dan seumpamanya. Berdasarkan perbincangan di dalam subtopik sebelum ini, Islam tidak melarang untuk umatnya menggunakan apa-apa sahaja kaedah perubatan yang baik dan tidak melanggar syarak. Vaksin yang dihasilkan bagi mencegah virus COVID-19 ini telah diiktiraf oleh pakar-pakar bidang perubatan akan kebaikannya dalam mencegah penularan virus COVID-19 dan proses penghasilannya juga telah mematuhi peraturan kebangsaan dan antarabangsa serta spesifikasi Amalan Pengilangan Baik GMP (covid-19.moh.gov.my).

Maka, disebabkan itu mufti-mufti di Malaysia termasuklah mufti Wilayah Persekutuan telah mengeluarkan fatwa harusnya mengambil vaksin berdasarkan kaedah *الضرار يزال* (Berita Harian, 2021) sebagai salah satu langkah pencegahan wabak ini sekaligus memelihara salah satu daripada Maqasid Syariah iaitu menjaga nyawa. Tambahan pula kerajaan Malaysia telah membuat pendirian yang tegas untuk memastikan hanya vaksin yang halal dan tayyiban sahaja yang akan digunakan sepanjang Program Imunisasi COVID-19 Kebangsaan. Oleh itu, vaksin adalah salah satu usaha yang harus diterima baik oleh keseluruhan masyarakat termasuklah masyarakat Islam untuk mencegah penularan wabak COVID-19 ini.

8.0 Kesimpulan

Secara kesimpulannya, perubatan dalam Islam tidaklah hanya terhad kepada apa yang disebutkan oleh Nabi SAW sahaja. Bahkan Islam menerima apa sahaja jenis perubatan yang baik dan tidak melanggar syarak. Islam adalah agama yang realistik dan sentiasa sesuai mengikut peredaran zaman. Cuma umat Islam, perlu bersikap lebih terbuka dan memahami sesuatu isu dari sudut pandang Islam yang luas, bukan tertutup. Selagi sesuatu perkara itu boleh memberi kebaikan buat seluruh masyarakat, maka Islam tiada masalah untuk menerimanya.

Selain itu, apa yang disebutkan oleh baginda SAW di dalam hadis-hadisnya masih memerlukan penjelasan yang terperinci daripada para ulama' sebelum diaplikasikan kepada sesuatu situasi. Hal ini adalah kerana adakalanya hadis yang dilafazkan mempunyai *sabab al-wurud* yang tertentu atau hadis itu dikhususkan kepada situasi atau individu yang tertentu. Maka amat wajar bagi umat Islam untuk merujuk pendapat ulama' bagi memahami hadis Nabi SAW secara menyeluruh dan bukan hanya memahami secara literal.

Rujukan

Al-Quran

Berita Harian. 2021. *Hukum Vaksin Covid-19 Harus*.

<https://www.google.com.my/amp/s/www.bharian.com.my/amp/berita/nasional/2021/02/785997/hukum-vaksin-covid-19-harus-mufti-wilayah> [14 Februari 2021]

Al-Bukhārī, Muḥammad bin Ismā'īl. 2002. *al-Bukhārī*. Edisi Pertama. Damsyiq: Dār Ibn Kathīr.

Ibn Kathīr, Ismā'īl bin 'Umar. 1999. *Tafsīr al-Quran al-'Alīm*. Edisi Ke-2. Riyadh: Dār al-ʿAyyibah.

Ibn ʿajar al-ʿAsqalānī, Aḥmad bin 'Alī bin ʿajar al-ʿAsqalānī. 2001. *Fatḥ al-Bārī*. Edisi Pertama. Riyadh: T.pt

Jabatan Mufti Perlis. 24 Mac 2020. *Perubatan Islam: Istilah yang disalahgunakan*.

<https://mufti.perlis.gov.my/index.php/minda-mufti/281-perubatan-islam-istilah-yang-disalahgunakan>

Kementerian Kesihatan Malaysia. 2021. covid-19.moh.gov.my/vaksin-covid-19

Kementerian Kesihatan Malaysia. 2021. *Soalan Lazim Covid-19*. myhealth.gov.my

Kementerian Kesihatan Malaysia. 2021. *Info Vaksin Covid-19*. <http://covid-19.moh.gov.my/vaksin-covid-19>

Laman Web Rasmi Pejabat Mufti Wilayah Persekutuan. 2021. Irsyad Al-Hadith Siri Ke 517: Pemahaman Terhadap Lafaz Hadith Habbatussauda' Sebagai Penawar Segala Penyakit. <https://muftiwp.gov.my/artikel/irsyad-al-hadith/4702-irsyad-al-hadith-siri-ke-517-pemahaman-terhadap-lafaz-hadith-habbatussauda-sebagai-penawar-segala-penyakit> [12 Mac 2021]

Mālik, Mālik bin Anas. 1985. *Al-Muwāḥḥaḍ*. Muḥammad Fu'ād 'Abd al-Bāqī (pnyt.). Beirut: Dār Al-ʿAyyibah al-Turāth al-ʿArabīy. Al-kandahlawī 2003

Muslim, Muslim bin al-Hajjāj al-Qushayrī. 2006. *al-Muslim*. Edisi Pertama. Riyadh: Dār al-ʿAyyibah li Nashr wa al-Tawzīʿ.



- Al-Nawawī, Muḥ yī al-Dīn bin Sharaf al-Nawawī. 2009. *Sahīh Muslim bi Sharḥ al-Nawawī*. T.tpt: Bayt al-Afkār al Dawliyyah.
- Al-Tirmīdhī, Muḥ ammad bin ʿIsā al-Tirmīdhī. 1996. *Al-Jāmiʿ al-Kabīr*. Edisi Pertama. Beirut: Dār al-Gharb al-Islāmi.
- World Health Organization. 2021. Covid19.who.int